

Istanbul Avio - Let iz Tuzle | Polasci 08.05.26, 15.05.26, 22.05.26

Istanbul, Turska • Avion

Polazak iz	Tuzla
Smještaj	Hotel ★★★
Usluga	Doručak

O putovanju

Odlučili ste posjetiti Istanbul? Čestitamo – napravili ste izbor koji nikoga ne ostavlja ravnodušnim. Ovaj grad ne posjećuje se slučajno. Istanbul se doživljava, osjeća i pamti. Smješten između dva kontinenta, Istanbul je grad u kojem se na svakom koraku susreću prošlost i sadašnjost, Istok i Zapad, tišina drevnih džamija i žamor modernih bazara. U njemu će se pronaći i putnici željni historije, i zaljubljenici u gastronomiju, i svi oni koji uživaju u shoppingu ili jednostavno u pogledu s broda dok Bosfor blistavo svjetluca. Na sedam brežuljaka, s kojih se pružaju pogledi koji oduzimaju dah, Istanbul svakome nudi svoj kutak i doživljaj. Nije bez razloga Napoleon Bonaparte rekao: „Kad bi cijeli svijet bio jedna država, Istanbul bi bio njen glavni grad.“

Program putovanja

1. dan - petak | Tuzla - Istanbul

Okupljanje putnika na Međunarodnom aerodromu Tuzla minimum 2 sata prije leta CCA 07:30 ujutro, gdje ćemo obaviti sve formalnosti vezane za check-in i pasošku kontrolu. Nakon završetka pasoške kontrole, slijedi ukrcavanje na let PC251 prema Istanbulu. Let je planiran za 09:50 h ujutro i direktan je te nas vodi prema jednom od najdinamičnijih gradova svijeta - Istanbulu. Po dolasku na aerodrom u 12:40 Sabiha Gökçen, organiziran je transfer do hotela. (Transfer u ovisnosti o gužvi može trajati minimum 1 sat a nekada i više od 2 sata. Dolazak u hotel. Nakon prijave u hotel i kraćeg odmora, krećemo u fascinantnu šetnju kroz povijesni centar

grada, otkrivajući njegove najznačajnije znamenitosti. Slobodno vrijeme za večeru, individualno istraživanje grada u pratnji pratioca grupe te laganom šetnjom vraćamo se u hotel. Noćenje.

2. dan - subota | Sultanahmet - Taksim - Galata

Doručak. Slijedi obilazak najpoznatijih znamenitosti Istanbula u pratnji lokalnog vodiča. Prva stanica je Hipodrom – nekadašnje središte bizantskog društvenog života, s očuvanim spomenicima poput Egipatskog obeliska i Zmijskog stuba. Potom posjećujemo veličanstvenu Plavu džamiju (Sultan Ahmedovu džamiju), remek-djelo islamske arhitekture ukrašeno čuvenim plavim pločicama. Napomena: marama za žene je obavezna zbog poštovanja svetosti prostora. Nastavljamo šetnju pored impresivne Aje Sofije, simboličnog spoja religija i epoha, te do Topkapi palače, čije vanjske zidine pružaju uvid u moć osmanskih sultana. U drugom dijelu dana upoznajemo moderniji Istanbul: Taksim trg i živopisna Istiklal ulica vode nas do slavne Galata kule, s koje se pruža nezaboravan panoramski pogled na grad. Povratak u hotel. Slobodno vrijeme za vlastite aktivnosti, šoping ili uživanje u turskoj kafi. Dan završavamo opušteno, šetnjom i upijanjem čarolije Istanbula.

3. dan - nedjelja | Istanbul - Çamlıca džamija - Ortakoy

Nakon doručka, krećemo u istraživanje azijske strane Istanbula. Prva destinacija je Čamlidža džamiju, najnoviju i najveću u Turskoj, impresivnu po arhitekturi i duhovnom miru koji pruža a odakle se pruža spektakularan pogled na grad, Bosfor i Marmarsko more. Nakon toga slijedi vožnja do šarmantne četvrti Ortaköy, smještene uz obalu Bosfora. Uživat ćemo u pogledu na Ortaköy džamiju i Bosforski most, a bit će vremena i za omiljeni lokalni specijalitet – krompir. Povratak u hotel i slobodno vrijeme za vlastite aktivnosti. Preporučujemo posjet Kapalı Çarşı – legendarnoj Velikoj pijaci, jednoj od najvećih natkrivenih tržnica na svijetu. Idealna je za kupovinu suvenira, turskih rukotvorina i zlata. Večer je rezervisana za odmor, laganu šetnju i uživanje u atmosferi Istanbula. Dan ispunjen doživljajima za pamćenje!

4. dan - ponedjeljak | Istanbul - Dnevno Krstarenje Bosforom - Eyüp Sultan i Pierre Loti

Nakon doručka, očekuje nas dan ispunjen posebnim doživljajima! Započinjemo s dnevnim krstarenjem Bosforom, gdje ćemo uživati u pogledu na palače, mostove, tvrđave i osmanske vile koje povezuju dva kontinenta. U slučaju manjeg broja prijavljenih, koristit ćemo javni prevoz. Nakon krstarenja, slijedi posjeta Eyüp Sultan džamiji, jednom od najvažnijih vjerskih mjesta u gradu, a zatim žičarom idemo do vidikovca Pierre Loti, gdje nas očekuje predivan pogled na Zlatni rog uz turski čaj ili kafu. U večernjim satima, predlažemo noćno krstarenje Bosforom s večerom i zabavnim programom. Uživat ćemo u plesu, muzici i kulinarskim specijalitetima, dok Istanbul noću sija u punom sjaju. Povratak u hotel i noćenje.

5. dan - utorak | Istanbul - Egipatski bazar

Idealno mjesto za završetak vašeg putovanja uz dozu mistike i historije! Spice Bazaar (Misir Çarşısı): Ako volite egzotične mirise i ukuse, nezaobilazna je posjeta Egipatskom bazaru. Prepun šarenih začina, sušenog voća i slatkiša poput lokuma, ovaj bazar pruža jedinstveno iskustvo. Uživajte.

6. dan - srijeda | Istanbul - slobodan dan

Slobodan dan u Istanbulu pruža vam potpunu slobodu! Nakon doručka, dan je posvećen vama – uživajte u istraživanju ovog nevjerojatnog grada na svoj način, vlastitim tempom. Bez planova, bez ograničenja – samo vi i čarobni Istanbul! Ovaj grad, gdje se Evropa susreće s Azijom, otvara vam beskonačne mogućnosti. Možda ćete poželjeti još jednom prošetati Istiklal ulicom, uživati u šopingu ili zaviriti u skrivene kutke Kapali čaršije, dok tražite autentične suvenire. Ako ste ljubitelj historije, možda ćete se vratiti znamenitostima kao što su Plava džamija i Aja Sofija, gdje svaki kamen priča priču o slavnoj prošlosti. Za one željne odmora, preporučujemo uživanje u turskoj kafi ili čaju u jednom od kafića sa predivnim pogledom na Bosfor, dok gledate kako brodovi tiho prolaze. Možda je pravi trenutak i za posjet jednom od mnogih turskih hamama, gdje možete doživjeti autentično iskustvo opuštanja i revitalizacije tijela i duha. Ne zaboravite istražiti i manje poznate dijelove grada, poput boemskih četvrti Karaköy ili Balat, poznatih po šarenim kućama, umjetničkim galerijama i malim autentičnim restoranima. Ove četvrti otkrivaju drugačiju stranu Istanbula – onu koja živi u ritmu umjetnosti, kreativnosti i boemskog duha. Dan završava s osmijehom i osjećajem ispunjenosti.

7. dan - četvrtak | Istanbul

Doručak. Slobodan dan za individualne aktivnosti. Uzbudljiv i predivan Istanbul ostat će vam u srcu, a slobodno vrijeme omogućilo vam je da ga upoznate na način koji vam najviše odgovara. Napravite posljednje korake kroz grad, uživajte u zadnjim pogledima, jer uskoro je vrijeme za povratak. Priprema za odjavu iz hotela u 02:00 ujutro. Transfer do aerodroma te vrijeme za check in i carinske kontrole. Let planiran za Tuzlu je u 07:45 ujutro.

8. dan - petak | Istanbul - Tuzla

Naš let PC250 prema Tuzli je planiran za 07:45, a dolazak na Aerodrom Tuzla očekujemo oko 08:45 ujutro. Ovim danom zatvaramo jedno predivno poglavlje, no vrata su uvijek otvorena za nove avanture. Zahvaljujemo vam na povjerenju i što ste nam omogućili da zajedno s vama doživimo čaroliju Istanbula.

Termini i cijene

Termin	Cijena
8-15. Maj	820 KM

Termin	Cijena
15-22. Maj	820 KM
22-29. Maj	820 KM

Smještaj

Hoteli Laleli dio Istanbula ★★★

Svi hoteli su locirani na Laleliju.

Tipovi soba

- 1/1 Jednokrevetna soba - jedan ležaj
- 1/2 Dvokrevetna soba (Twin) - dva odvojena ležaja
- 1/2 Dvokrevetna soba (Double) - bračni ležaj
- 1/2+1 Dvokrevetna soba sa pomoćnim ležajem
- 1/3 Trokrevetna soba - tri osnovna ležaja ili dva + pomoćni
- 1/4 Porodična (Family) soba - četiri ležaja, pogodna za porodice

Cijena uključuje / ne uključuje

- ✓ Pratilac putovanja tokom cijelog putovanja
- ✓ Povratni let na relaciji Tuzla – Istanbul – Tuzla sa aerodromskim taksama
- ✓ Prtljaga 1 torba težine 20 kg, plus ručni prtljag 8 kg
- ✓ Transferi od aerodroma do hotela i povratak na aerodrom,
- ✓ Smještaj u dvokrevetnim, trokrevetnim ili četverokrevetnim sobama po vašoj želji, na bazi 7 noćenja sa doručkom u oblasti Lalei
- ✓ Troškovi organizacije i realizacije putovanja
- ✓ Korištenje tramvaja/lokalnog prevoza na fakultativnih izletima sa manjim brojem učesnika
- ✓ PDV
- ✗ Doplata za jednokrevetnu sobu: 280 KM
- ✗ Ulaznice za muzeje i kulturno-historijske spomenike
- ✗ Izleti i posjete su na dobrovoljnoj bazi i iste se plaćaju predstavniku agencije
- ✗ Dodatni sadržaji i troškovi koji nisu predviđeni programom, kao i troškovi osobne prirode (piće, dodatni obroci, telefon, karte za javni gradski prijevoz itd.)
- ✗ Putno zdravstveno osiguranje: 16,00 KM za osobe mlađe od 59,99 godina, odnosno 32 KM za osobe starije od 59,99 godina
- ✗ Uslovi za djecu: Djeca starosti do 12 godina ostvaruju popust 10% na cijenu aranžmana u pratnji dvije odrasle osobe.

Napomene

NAPOMENE U VEZI FAKULTATIVNIH IZLETA: · Fakultativni izleti nisu obavezni dio programa i zavise od broja prijavljenih putnika. Cijena se uglavnom sastoji od troškova rezervacije, prijevoza, vodiča, ulaznica, organizacije...Termini fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti. Fakultativni izleti su organizovani od strane lokalne agencije, ino-partnera Organizatora putovanja. Svu odgovornost prilikom izvođenja fakultativnih izleta snosi ino-partner.

NAČINI PLAĆANJA ARANŽMANA:

50% prilikom rezervacije, a ostatak od 50% najkasnije 10 dana prije putovanja Za plaćanje putem UniCredit Bank Shopping kartice na do 12 rata, obračunava se provizija u iznosu od 8%. Plaćanje na rate moguće je isključivo ovom karticom. Plaćanje ostalim bankovnim karticama (Visa, MasterCard i dr.) moguće je isključivo jednokratno, uz obračun dodatnih troškova kartičnog poslovanja, u skladu s uslovima banke. Uplata putem banke (žirnalno) ili gotovinom u agenciji ne podliježe dodatnoj proviziji. OPIS I LOKACIJA HOTELA: Svaki hotel iz ove ponude ima restoran, a svaka soba ima tuš/WC. Smještaj je u nekom od navedenih hotela do popune kapaciteta:

NAPOMENE U VEZI SMJEŠTAJA: U smještajne objekte se ulazi prvog dana boravka od 14:00 časova, a napuštaju se posljednjeg dana boravka do 09:00 časova. Svaki hotel ima restoran. Svaka soba ima tuš/WC. Smještaj iz ove ponude registrovan je, pregledan i standardizovan od strane Nacionalne turističke asocijacije zemlje u kojoj se nalazi. Opis destinacija i smještaja dostupan je u agenciji ili na web-stranici www.elletravel.ba. Opisi smještajnih objekata su informativnog karaktera. Za eventualna odstupanja i kvalitet usluge u okviru smještajnih objekata, organizator putovanja ne snosi odgovornost, jer to isključivo zavisi od smještajnih objekata. Objašnjenje: kontinentalni švedski sto – manji izbor namirnica i uglavnom je slatki doručak. Uglavnom je zastupljena internacionalna kuhinja. U pojedinim smještajnim objektima treći i četvrti ležaj mogu biti pomoćni. Dimenzija i izgled pomoćnog ležaja zavise od mogućnosti smještajnih objekata, može biti sofa na razvlačenje, ali je uglavnom standardne veličine. Jačina signala Wi-Fi internet konekcije zavisi od kvaliteta signala koji pruža lokalni provajderi

kojeg je vlasnik smještajnog objekta odabrao i od trenutnog broja korisnika na mreži. Organizator putovanja ne može utjecati i nije odgovoran za kvalitet Wi-Fi konekcije. Organizator putovanja ne može da utječe na razmještaj po sobama, jer to isključivo zavisi od recepcije smještajnog objekta. Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)

OPŠTE NAPOMENE:

Putnici su dužni da prilikom rezervacije aranžmana dostave ispravan broj mobilnog telefona. Potrebno je provjeriti dva dana prije putovanja tačno vrijeme i mjesto polaska. Kod autobuskih aranžmana predviđene su pauze radi usputnog odmora na otprilike svaka 2 do 3 sata vožnje. Zaustavljanja se vrše na usputnim stajalištima ili benzinskim pumpama, u zavisnosti od uslova na putu i raspoloživosti kapaciteta stajališta. Svaki komad prtljaga mora biti obilježen Elle tagom sa upisanim podacima putnika (ime i prezime, broj telefona). Dužina trajanja slobodnog vremena za individualne aktivnosti tokom programa putovanja zavisi od objektivnih okolnosti, poput trajanja obilazaka, termina polazaka i slično. U okviru razgledanja gradova ili lokaliteta navedenih u programima putovanja, nisu predviđene posjete unutrašnjosti javnih građevina, institucija i spomenika kulture, osim kada je to posebno naznačeno. Za sve informacije date usmenim, telefonskim ili elektronskim putem, agencija ne snosi odgovornost. Validan je isključivo pisani program putovanja istaknut u prostorijama agencije. Organizator putovanja zadržava pravo promjene programa usljed nepredviđenih objektivnih okolnosti (npr. gužva na granicama, u saobraćaju, zatvaranje lokaliteta predviđenog za obilazak i sl.). Potpisnik ugovora o putovanju, kao i predstavnici grupe, obavezni su da sve putnike upoznaju sa programom putovanja, uslovima plaćanja, osiguranjem i Opštim uslovima putovanja organizatora. Rok za prijavu zavisi od popunjenosti aranžmana. Preporučuje se da se o putovanju raspitate najmanje 4 do 8 sedmica unaprijed. Maloljetni putnici moraju imati ovjerenu saglasnost roditelja, ukoliko roditelji ili jedan od roditelja ne putuju s njima. Sva vremena u programima su data prema lokalnom vremenu zemlje u kojoj se boravi. Svaka zemlja ima sopstvene propise o ulasku stranih državljana. Detalje o pasošima, vizama i zdravstvenim uvjerenjima možete provjeriti na: www.iatatravelcentre.com. Svim putnicima savjetuje se da se informišu o uslovima ulaska u zemlju putovanja putem zvaničnih stranica državnih organa ili diplomatskih i konzularnih predstavništava te zemlje. Putnici su dužni da pribave potrebna putna dokumenta i vize za sebe i svoju djecu, kao i da se pridržavaju svih propisa zemlje u koju putuju, iz koje polaze ili kroz koju prolaze. Preporučuje se da putnici s novim pasošima provjere uslove za ulazak u zemlje Evropske unije (npr. potrebna novčana sredstva, zdravstveno osiguranje, potvrde o smještaju i sl.) putem web-stranice Delegacije EU u BiH: https://www.eeas.europa.eu/bosnia-and-herzegovina/putovanja-i-studiranje_bs?s=219#15512, ili u ambasadi/konzulatu zemlje u koju putuju. Agencija ne snosi odgovornost ukoliko pogranične vlasti onemogućće ulazak putniku na teritoriju EU. Radi poštovanja satnica iz programa putovanja i vremena ostalih putnika, ne garantujemo mogućnost zadržavanja na granici radi ovjere računa i povrata poreza iz EU (TAX FREE). Molimo Vas da pažljivo pročitate Opšte uslove putovanja. Organizator putovanja je Turistička agencija Elle Travel, licenca br. 64/2023, rješenje broj: 05/1-18-029409/23. Uz ovaj program važe Opšti uslovi putovanja organizatora putovanja. Aranžman je rađen na bazi od minimum 45 prijavljenih putnika i usljed nedovoljnog broja putnika organizator putovanja ima pravo otkaza putovanja, prema opštim uslovima putovanja <https://elletravel.ba/opsti-uslovi/> Organizator putovanja zadržava pravo korekcije ugovorene cijene prije početka putovanja usljed promjene u kursu razmene valute ili promjene u tarifama prijevoznika i u zakonom predviđenim slučajevima.

Program putovanja generiran: 14.04.2026

Opšti uslovi putovanja dostupni na: <https://elletravel.ba/opsti-uslovi>

Elle Travel d.o.o